

弘

簡

錄

弘簡錄卷二百二

明刑部員外郎仁和弘齋邵經邦學

皇清翰林院侍講學士四世孫遠平校閱

載記 遼主之一

遼之先本東裔種類號曰契丹自奇首可汗生八子族屬漸盛
分爲八部世居松漠之間其故壤潢河之西土河之北今永州
木葉山有廟可汗可敦并八子像在焉元魏末莫弗賀勿于畏
高麗蠕蠕侵逼率衆內附乃去奇首故壤居白狼水東北齊文
宣帝復自平州三道來侵突厥又迫之遂以萬家寄處高麗境
內隋開皇四年諸莫弗賀欵塞聽居白狼故地其別部出伏等
亦率衆內附詔置獨奚那頡之北餘四千餘戶原附突厥詔給
糧道還固辭不去部落漸衆徙逐水草依紇臣水而居在遼西

正北二百餘里其地東西五百里南北三百里分爲十部與庫

莫奚同類異種其居曰泉羅箇沒里

沒里者河也

乃鮮卑故地潢水

之南黃龍之北故又以爲鮮卑遺種當唐之世其部族之大者

曰大賀氏迨開元間大賀氏微遼始祖涅里

即雅里

立廼肇祖里

爲阻午可汗而相之唐賜名李懷秀於是始立制度置官屬刻

木爲契穴地爲牢卽故有族衆分爲遙輦八部而涅里所統迭

剌部自爲別部不與其列涅里生毗牒毗牒生頽頽頽領生禰

里思世爲迭剌部夸弼董大度寡欲令不嚴而人化是爲蕭祖

配蕭氏小字卓眞生四子長洽脊字牙新爲人有德行分五石

烈爲七六仄爲十一次薩刺德嘗與黃室韋挑戰矢貫數札是

爲懿祖次葛剌字古昆次洽禮字敵輦皆任舍利懿祖配蕭氏

小字牙里辛生四子長叔刺舍利早卒次怙刺字痕德卒年七

十次勾德實始教民稼穡善畜牧國以殷富是爲元祖次襲古
直字巖母根爲人善射任舍利卒元祖配蕭氏小字月里朶生
子元祖爲狼德所害后發居恐不免命子往依鄰部臺押乃獲
安長麻魯早卒次巖木字敵輦身長入尺多力能裂麋皮語音
如鐘年四十五卒次撒刺的仁民愛物始置鐵冶教民鼓鑄是
爲德祖卽太祖父也次釋魯字述瀾駢脅多力賢而有智任爲
于越先時遙輦氏可汗歲貢于突厥至是始免北征于厥室韋
南略易定奚霫始興板築置城邑教民種桑麻習織組已有廣
土衆民之志年五十七爲子滑哥所弑德祖配蕭氏小字巖母
斤遙輦氏宰相剔刺之女生男女六人太祖居長初夢日墮懷
中有娠焉時室有神光并異香體如三歲兒卽能匍匐三月能
行晬而能言知米然事其始興之地名世里譯曰耶律故以耶

律爲姓名阿保機小字蝦里只唐咸通十三年生祖母見其骨
相異常復懼有陰圖害者鞠之別帳塗其面不令人見既長多
智勇略身長九尺豐上銳下目光射人臂弓三百斤爲撻馬拔
沙里素有大志值小黃室韋不附以計降之伐越兀及烏古六
奚比沙拔諸部克之國人號阿主沙里唐天復元年契丹王欽
德立是爲痕德董可汗仍授本部夸离董得專征討連破室韋
于厥及奚帥轄刺哥俘獲甚衆十月轉大迭烈府夸离董二年
七月引兵四十萬侵河東河北攻下九郡獲生口九萬五千駝
馬牛羊不可勝紀九月城龍化州始建開教寺于潢河之南三
年春攻下女直獲其戶三百九月復攻下河東懷遠等軍十月
引兵略至薊北俘獲以還先是德祖俘奚七千戶徙饒樂之清
河至是剽爲奚迭刺部分十三縣拜太祖爲于越總知軍國事

四年三月廣龍化州東城九月討黑車子室韋唐盧龍節度使
劉仁恭發兵數萬遣發子趙霸來拒諜知霸至武州用曷魯計
伏勁兵桃山下遣室韋人牟里詐稱會長所遣約霸兵會平原
既至四面伏發擒霸殲其衆乘勝大破室韋五年七月復討黑
車子室韋唐河東節度使李克用遣通事康令德乞盟十月引
騎兵七萬相會雲州宴酣許克用借兵以報仁恭木瓜澗之役
易袍馬約爲兄弟進兵擊拔數州徙其民以歸六年二月復擊
仁恭還襲山北奚破之汴州朱全忠遣人浮海奉幣衣帶珍
玩來聘十一月遣偏師討奚嘗諸部及東北女直之未附者悉
破降之十二月狼德董可汗祖羣臣奉遣命曷魯等勸進三讓
從之

元年正月庚寅命有司設壇于如延正集會燭燔柴告天卽皇

帝位尊母爲皇太后立皇后蕭氏北宰相蕭瑒刺南宰相耶律
歐里思率羣臣上尊號曰天皇帝后曰地皇后庚子詔皇族承
遙維氏九帳爲第十帳二月征黑車子室韋降其八部戊午以
從弟迭栗底爲迭烈府奇芮董四月丁未朔朱全忠遣使來告
卽位七月乙酉幽州盧龍軍節度使劉守光自立其兄平州刺
史守奇率衆數千人來降命置之平盧城十月乙巳破黑車子
室韋二年正月癸酉朔御正殿受百官及諸國使朝辛巳始
置惕隱典族屬以弟撒剌爲之河東李克用薨子存勗襲遣使
弔慰五月癸酉詔撒剌討烏丸黑車子室韋八月壬子幽州進
合歡瓜十月己亥朔建明王樓築長城於鎮東海口遣輕兵取
吐渾叛入室韋者三年正月辛遼東二月丁酉朔梁遣郎公
遠來三月滄州節度使劉守文爲弟守光所攻遣人乞兵命弟

舍利素夸萬里蕭敵魯將兵會守文於北溹口進至橫海軍近

浞一鼓破之守光潰去

因名北溹口
為會盟口

四月乙卯詔左僕射韓知

古建碑龍化州大廣寺以紀功德五月甲申置羊城于炭山之

北以通市易十月己巳遣鷹軍討黑車子室韋破之西北盟

九

娘改部族進輓車人四年七月戊子朔以后兄蕭敵魯為北

府宰相

后族為相
自此始

十月烏馬山奚庫支及查刺底鋤勃德等叛

討平之五年正月丙申親征下西部奚分兵討東部奚亦平

之盡有奚營之地東際海南暨白檀西踰松漠北抵橫水凡五

部咸入版籍三月次深河刻石紀功復略地薊州五月狩刺葛

迭刺寅底石安端謀反赦之封告者安端妻粘睦姑晉國夫人

七月壬午朔斜灘底泊諸蕃使來貢八月甲子劉守光僭號稱

燕十月戊午置鐵冶是歲兩遣人使梁六年正月以化葛為

楊隱二月戊午親征劉守光三月至自幽州四月掣郢王友珪
弑父自立遣使致祭七月丙午親征木不姑降之俘獲數萬命
刺葛分兵攻平州八月壬辰上次恩德山皇子李胡生十月戊
寅刺葛破平州還復謀反壬辰駕還次北阿魯山番柴祭巳次
七渡河以討爾冶所獲僧崇文等建天雄寺以居之 七年正
月甲辰朔用兵討刺葛免朝甲寅師次赤水城三月癸丑次蘆
水刺葛使其黨神連姑焚明王樓四月戊寅北追刺葛巳卯次
彌里射鬼箭命北宰相廸里姑進擊之五月癸丑遣北宰相廸
輦率驍騎渡札堵河甲寅奏擒刺葛涅里鉢於榆河詣行在上
還至大嶺丙寅至庫里六月辛巳至榆嶺以轄賴縣人掃古非
法殘民命磔之甲申上登都庵山撫其先竒首可汗遺跡徘徊
顧瞻久之聞獄官涅离造大校人不堪苦命誅之壬辰次狼河

獲逆黨雅里彌里生薶之庚子次阿敦樂養子涅里思附叛者以射鬼箭餘黨各輕重論刑八月己卯幸龍眉宮轅逆黨二十九人九月壬戌發自西樓十月庚午駐赤崖戊午和州回鶻來貢祭未乙室府人廸里古逃骨离部人特里從逆伏誅詔羣臣分決滯訟以韓知古錄其事只里姑掌捕亡十一月祠木葉山還次昭烏山省風俗見高年議朝政遂定吉凶儀十二月戊子燔柴于蓮花濼八年正月甲辰以耶律曷魯爲迭刺部夸离董忽烈爲惕隱于骨里部人特离斂執逆黨怖胡亞里只等十七人來獻上親鞠之七月丙申朔有司上諸族帳并謀逆者三百餘人罪狀皆棄市首惡刺葛次迭刺上不忍寘法併寘石底安端杖而釋之十月甲子朔建開皇殿於明王樓基九年正月烏古部叛討平之是春幽州軍校齊行本舉其族及部曲男

女三千人請降授以檢校左僕射賜名元欲給其廩食數日
去幽師周德威納之四月詔索德威語不遜六月議南征十月
戊申釣魚于鴨淥江新羅遣使貢方物高麗進寶劔是歲君基
太一神數見詔圖其像

神冊元年二月丙戌朔上在龍化州丙申召魯等率百僚上尊
號曰大聖大明天皇帝后曰應天大明地皇后大赦始建年號

初開地東爲壇得金鈴因名其地
曰金鈴因壇側滿林曰冊聖林

三月丙辰立子倍爲皇太子

百僚進秩頒賚有差賜酺三日四月乙酉朔晉幽州節度使盧
國用來降以爲幽州兵馬留後甲辰梁遣使來賀六月庚寅吳
越王遣滕彥休來貢賜名述呂七月壬申親征突厥吐渾党項
小蕃沙陀諸部皆平之俘其部長及戶萬五千六百鎧甲兵仗
器服九十餘萬寶貨駝馬牛羊不可勝算八月拔晉朔州擒振

武節度使李嗣本勒石紀功於青塚南十月癸未朔乘勝而東十一月圍蔚州敵樓無故自壞衆軍大譟乘之不踰時而破復攻下新武嬀儒四州斬首萬四千七百餘級自代北至河曲踰陰山盡有其地改武州爲歸化州嬀州爲可汗州並西南面招討司選有功者領之十二月收山北八陣二年二月晉新州裨將盧文進殺節度使李存矩來降進攻其城刺史安金全遁以部將劉殷爲刺史三月辛亥攻幽州節度使周德威以幽并鎮定魏五州之兵拒于居庸關之西合戰於新州東大破之斬首三萬餘級殺李嗣本之子武八以后弟阿骨只爲統軍實魯爲先鋒東出關略燕趙不遇敵而還己未于骨畢叛命室魯以兵討之四月壬午圍幽州望城中有氣如烟火狀上曰未可攻也六月乙巳大暑霖潦班師留曷魯盧國用守之八月李存勗

遣李嗣源閻寶李存審等救幽州曷魯等還 三年正月丙申

以安端爲大內惕隱命攻雲州及西南諸郡二月達旦國來聘

祭亥城皇都是春梁遣使來聘晉吳越渤海商麗回鶻阻卜黨

項及幽鎮定魏潞等州各遣使來貢四月乙巳迭烈謀叛事覺

赦之五月乙亥詔建孔子廟佛寺道觀七月乙酉曷魯薨代以

弟汗里軫爲迭烈部夷酋十二月庚子朔幸遼陽故城辛丑

蕭敵魯薨代以弟蕭阿古只爲北府宰相甲子皇孫隈欲生

四年正月丙申射虎東山二月丙寅脩遼陽故城改爲東平郡

置防禦使以漢民渤海戶實之五月庚辰還宮八月丁酉謁孔

子廟命皇后皇太子分謁寺觀九月征烏古部道間皇太后不

豫一日夜馳六百里還侍病間復還軍中十月丙午征烏古部

天雨雪兵不能進禱于天俄頃而霽命皇太子將先鋒軍進擊

破之俘獲生口萬四千二百牛馬車乘廬帳器物二十餘萬自
是舉部來附 五年正月乙丑始製契丹大字五月丙寅吳越
使述呂貢犀角珊瑚授官以遣庚辰有龍見于拽刺山陽水上
射獲之藏其骨內府閏六月丁卯以皇弟蘓爲惕隱康默記爲
夸离畢八月己未朔黨項諸部叛辛未上親征九月己丑朔梁
使來聘壬寅大字成詔頒行之十月辛未攻天德癸酉節度使
宋瑤降賜弓矢鞍馬旗鼓更其軍曰應天甲戌班師瑤復叛丙
子拔其城擒瑤俘其家屬徙民於陰山南十二月己未師還

六年正月丙午上告于宗廟以蘇爲南府宰相迭里爲惕隱

宗室

爲南府宰相自此始

五月丙戌朔詔定法律正班爵丙申詔書前代直臣

係爲招諫圖及詔長吏四孟月詢民利病十月癸丑朔督新州
防禦使王郁以所部山北兵馬來附朝見日呼之爲子賞賚甚

厚丙子上率大軍入居庸關十一月癸卯下古北口丁未分兵略檀順安遠三河良鄉望都潞滿城遂城州縣十餘俘其民徙于內地十二月癸丑徙王郁之衆于潢水之南庚申皇太子率郁略地定州康默記攻長蘆癸亥圍涿州有白兔緣壘而上是日破其郭癸酉刺史李嗣弼以城降乙亥禿餒將五千騎圍李存勗于望都不利引歸己卯還次檀州幽人來襲擊走之擒其裨將詔徙檀順民于東平瀋州

天贊元年二月庚申復徇幽薊地癸酉改元赦軍前殊死以下四月甲寅攻薊州戊午拔之擒刺史胡瓊以盧國用涅魯古典軍民事壬戌大饗軍士癸亥李存勗圍鎮州張文禮求援命郎君蕭翰送烈將軍康末怛往擊敗之殺其將李嗣昭辛未攻拔石城縣五月丁未張文禮卒其子處蓮遣人奉表來謝六月遣

薦軍擊西南諸部以所獲賜貧民十月甲子以蕭霞的爲北府
宰相分迭剌部爲二院斜涅赤爲北院夸葛董縮思爲南院夸
葛董分北大濃兀爲二部立兩節度使以統之十一月壬寅命
皇子堯骨爲天下兵馬大元帥詔統六軍略地薊北二年正
月丙申大元帥克平州獲刺史趙思溫裨將張崇二月上如平
州甲子改爲虛龍軍置節度使三月戊寅軍回破箭苛山叛奚
諸部悉降獲胡損以射鬼箭誅其黨三百人沉之狗河道奚望
理部以勃魯恩權總其事四月己酉梁遣使來聘吳越來貢祭
丑迭剌部夸葛董覲烈狗山西地庚申元帥兵掠鎮定所至皆
堅壁不敢戰師次幽州節度使符存審拒于州南縱兵邀擊大
破之擒其將裴信等數十人閏月壬午拔曲陽丙戌下北平晉
王李存勗遣使來告卽位五月戊午元帥師還癸亥大饗軍士

賞賚有差六月辛丑波斯國來貢七月蕭阿古只及王郁徇地
燕趙三年正月遣兵略地燕南徙薊州民實遼州地五月丙
午以楊隱迭里爲南院夸葛董渤海殺其刺史張秀實民被虜
掠六月乙酉詔皇后太子大元帥及二宰相諸部頭等曰朕上
承天命下統羣生每有征行皆奉天意機謀在已取舍如神自
我國之經營爲羣方之父母憲章斯在亂嗣何憂良籌聖會自
孚契於天人升降有期豈可化其凡骨三年之後歲在丙戌時
值初秋必有歸處然未終兩事豈負親誠日月非遙戒嚴是速
聞者皆驚懼莫識其意是日大舉征吐渾党項阻卜等部命皇
太子監國大元帥從行七月辛亥曷剌等擊素昆那山東部族
破之八月乙酉至烏孤山以鵝祭天甲午取單于城次古單于
國登阿里典歷得斯山以麋鹿祭九月丙申朔取回鶻城勒石

紀功庚子拜日于蹄林丙午遣騎攻阻卜丁巳鑿金河水取烏
山石輦致潢河木葉山以示山川朝宗海嶽之意癸亥大食國
來貢甲子詔礪闕遏可汗故碑以契丹突厥漢字紀其功是月
破胡母思山諸蕃部次業得思山以赤牛青馬祭天地回鶻
里遣使來貢十月丙寅朔獵寓樂山獲野獸數千以統軍食丁
卯軍于霸離思山遣兵踰流沙坂浮圖城盡取西鄙諸部十一
月乙未朔獲甘州回鶻都督畢離遏因遣使諭其主烏母主可
汗遂射虎于烏刺邪里山抵霸室山六百餘里且行且獵日有
餅食軍士皆給四年正月壬寅以捷報皇后太子二月丙寅
大元師破于厥里諸部定河孺下山西諸鎮及徇党項丁卯皇
后遣康末怛問起居進御服酒膳乙亥肅阿古只略燕趙還進
牙旗兵仗辛卯大元帥獻俘三月丙申饗軍于水精山四月甲

子南攻小蕃下之皇后太子迎謁於札里河祭西回鶻烏母主
可汗遣使貢謝五月甲寅清暑室韋北陞九月癸巳西征還十
月丁卯唐滅梁來告遣使報聘日本高麗國皆來貢十一月丁
酉幸安國寺飯僧赦京師囚縱五坊鷹鶻巳酉新羅國來貢十
二月乙亥詔曰所謂兩事一事已畢惟渤海世讐未雪豈宜安
駐乃舉兵親征渤海大諲譔皇后太子大元帥皆從閏月壬辰
柵木葉山壬寅以青牛白馬祭天地于烏山巳酉次撒葛山射
鬼箭丁酉次商嶺夜圍扶餘府

天顯元年正月巳未白氣貫日庚申進拔扶餘城獲其守將誅
之丙寅夜合兵圍忽汗城巳巳渤海請降庚午駐軍城南辛未
諲譔棄素韋率保屬三百餘人出降上優禮而釋之甲戌詔
諭渤海郡縣丙子遣近侍康末怛等十三人入城索兵器爲選

卒所害丁丑渤海復叛攻沙其城駕入幸譔謨請罪詔以兵衛之及族屬以出上祭告天地復還軍中二月庚寅安邊鄭顓南海定理等府泊諸道節度刺史來朝慰勞遣之以所獲器幣諸物賜將士壬辰以青牛白馬祭天地大赦改元遣使報渤海平于唐甲午復幸忽汗城閱府庫物賜從臣有差以奚部長勃魯恩并王郁回鶻新羅吐蕃党項室韋沙陀烏古等從征有功優加賞資丙午改渤海國爲東丹忽汗城爲天福冊太子倍爲人皇王以主之以皇弟迭刺爲左大相渤海老相爲右大相渤海司徒大素賢爲左次相耶律羽之爲右次相赦其國內殊死以下丁未高麗瀋貊鐵驪靺鞨來貢三月甲子祭天丁卯幸人皇王宮癸未宴東丹國僚佐頒賜有差甲申幸天福城乙酉班師大譔謨舉族從行四月丁亥朔次繳子山辛卯人皇王率東丹

國僚屬辭是月唐養子李嗣源自立五月辛酉南海定理二府
復叛命堯骨往討六月丁酉平之丙午次愼州唐使來告哀七
月丙辰鐵州刺史衛鈞反乙丑堯骨攻拔之辛未衛送太謹讓
于皇都西築城以居之賜名曰烏魯古婁曰阿里只盧龍行軍
司馬張崇叛奔唐甲戌次扶餘府上不豫是夕大星隕于幄前
辛巳平旦子城上見黃龍繚繞可長一里光耀奪目入于行宮
有紫黑氣蔽天踰日乃散是日帝崩年五十五所謂丙戌秋初
必有歸處至昌
乃壬午皇后稱制權決軍國事八月甲午奉梓宮西還壬寅堯
骨奔赴行在乙巳人皇王倍繼至九月丁卯梓宮至皇都權殯
于子城西北巳巳上謚昇天皇帝廟號太祖十月盧龍軍節度
使盧國川叛奔于唐十一月丙寅殺南院夷离堇耶律迭里郎
軍耶律疋魯等明年八月丁酉葬祖陵置祖州天城軍節度使

以奉陵寢統和二十六年七月加諡大聖大明天皇帝重熙二十一年九月再加大聖大明神烈天皇帝所崩行宮在扶餘城西南兩河之間後建昇天殿改名黃龍府

按五代史歐陽脩云契丹部長號大人而常推其一建旗鼓以統八部歲久或其國有災疾而畜牧衰則八部聚議以旗鼓立其次而代之被代者以爲常約不敢爭遙輦時幽州劉仁恭數出兵摘星嶺攻之每秋霜落燒其野草馬輒饑死多用良馬賄賂求市牧地請聽盟約八部之人謂遙輦不任事還於其衆以阿保機代之幽涿之人畏守光暴虐多亡入契丹阿保機乘間入塞攻陷城邑俘其人民依唐州縣置城以居其人教以中夏之王無代立者自是益以威制諸部不肯代立因共謂責阿保機不得已傳其旗鼓語諸部曰吾立九年所得漢人多矣欲自

爲一部以治漢城何如諸部許之漢城在炭山東南灤河上有
鹽鐵之利乃後魏滑鹽縣也其地可植五穀因率漢人耕種爲
治城郭邑居廛市如幽州制度漢人安之不復思歸久乃知衆
可用聽其妻述律氏策使人告諸部大人曰我有鹽池諸部所
食但知其利而不知有主可乎諸部因共犒以牛酒來會鹽池
伏兵其旁酒酣伏發盡殺其大人遂自立不復更代梁將慕容
李克用使人來聘厚贈以金帛期共舉兵擊梁因遣晉馬千匹
歸而背約遣使者梅老聘梁梁遣太府卿高頃軍將郎公遠來
報遣使者解里獻良馬貂裘朝霞錦卒表稱臣以求封冊梁復
遣公遠及司農卿渾時以詔書報勞別賜記事要以子弟三百
騎入衛約共舉兵滅晉然後封冊爲甥舅之國克用聞之大恨
臨卒以一箭屬莊宗期必滅契丹渾時等至阿保機不能如約

梁亦未嘗封冊而終梁之世契丹使者四至唐天祐十三年莊宗已得魏博方南向與梁爭天下遣李存矩發山北兵行至新溝關兵叛語載前記莊宗遣周德威擊守將劉殷盧文進引契丹兵數十萬大至德威懼引軍走幽州被圍于幽薊之間契丹騎遍滿山谷所得漢人以長繩連頭繫之於木夜多自解逃去文進又教爲水車地道起土山以攻城城中餽銅鐵汁揮之中者輒爛墮拒守凡百餘日解去其性比他種類尤頑倣父母死以不哭爲勇載其尸深山置大木上後三歲往取其骨焚之醉而呪曰夏時向陽食冬時向陰食使我射獵猪鹿多得至阿保機稍服旁諸小國多用漢人教以隸書之半增損之作文字數千以代刻木之約又制婚嫁置官號乃僭稱皇帝以其所居爲上京起樓其間號西樓又于其東千里起東樓北三百里起北

樓南木葉山起南樓往來射獵四樓之間其俗好兒而貴日每
月朔旦東向而拜其大聚會視國事皆以東向爲尊四樓門屋
皆東向晉討張文禮王處直懼遣其子郁往說臣父處直使布
愚款故趙王鎔六世居鎮州金帛山積燕姬趙女羅綺盈廷皆
爲張文禮所得晉方攻之懼死不服悉留以待皇帝阿保機大
喜獨妻不肯曰我有羊馬之富四樓足以娛樂今乃捨此而遠
赴人之急且戰有勝敗聞晉兵彊天下脫不如意後悔何追躍
然奮曰中國有金寶百萬留待皇后可共取之遂空國入塞攻
幽州不克轉陷涿州中山渡沙河王都告急於唐莊宗自將鐵
騎五千由桑林馳出人馬噐甲光明燭日契丹前鋒遇于新城
愕然稍却遂皆散走而沙河冰薄被陷阿保機退保望都會天
大雪人馬多死乃顧盧文進以手指天曰是未使我至此因引

兵去莊宗躡其後見其宿處環堵在地方隅整然不亂歎曰南
法令嚴如此自是頗有窺中原之志患女直渤海等在其後欲
擊之又懼中國乘其虛乃遣使聘唐以通好同光中使者再至
莊宗崩明宗遣供奉官姚坤來告哀阿保機錦袍大帶與其妻
對坐穹廬延坤入謁問曰聞爾河南北有兩天子信乎坤曰天
子以魏州軍亂命總管將兵討之倉卒變起返兵河北爲衆所
推已副人望阿保機仰天大哭曰晉王與我約爲兄弟河南天
子卽吾兒也昨聞中國亂欲引甲馬五萬往助而渤海未除志
願不遂又曰我兄旣沒理當取我商量新天子安得自立坤曰
新天子將兵二十年位至大總管所領精兵三十萬天時人事
其可得違其子突欲在側諭使者無多言奚田壽牛豈不爲過
坤曰應天順人豈比匹夫之事至如天皇王得國而不代豈強

取之邪阿保機卽慰勞坤曰理正當如是爾又曰吾聞此兒有
宮婢二千樂官千人放鷹走狗嗜酒好色任用不肖不惜人民
此其所以敗也我自聞其禍卽舉家斷酒解放鷹犬罷散樂官
非公宴不用若我所爲類吾兒亦安能長久又曰吾能漢語然
絕口不道懼其効漢而怯弱也因戒坤曰爾當先歸吾以甲馬
三萬會新天子幽鎮之間共爲盟約與我幽州則不復侵汝矣
其言當是實錄而遼國臣若劉輝者當時謂歐陽脩妄加貶訾
後輒文過其實必欲傳信萬世故兩存其書

載記 遼主二之上

太宗皇帝諱德光字德謹小字堯骨太祖第二子母淳欽皇后
蕭氏唐天復二年生時黑雲覆帳火光照室有聲如雷諸部異
之及長貌嚴重而性寬仁軍國之務多所取決東西萬里所向

有功皇后攝政之明年爲天顯二年十一月壬戌人皇王倍率羣臣請于皇后大元帥功德及人神中外攸屬宜承大統以主社稷后從之是日卽皇帝位癸亥謁太祖廟丙寅行柴冊禮戊辰還都壬申御宣政殿羣臣上尊號曰嗣聖皇帝大赦有司請改元不許十二月庚辰尊皇太后爲太皇太后皇后爲應天皇太后立妃蕭氏爲皇后禮畢開近侍班局辛巳諸道將帥辭歸鎮巳丑祀天地庚寅遣使諭諸國辛卯閱羣牧于近郊戊戌女直遣使來貢甲辰閱旗鼓客省諸局官屬丁未詔選遙輦氏九帳子弟可任官者三年正月巳酉開北尅兵籍庚戌閱南尅兵籍丁巳閱皮室拽刺墨离三軍巳未黃龍府羅涅河女直建盧古來貢庚午以王郁守中書令爲典國軍節度使二月辛長深巳亥惕隱涅里袞進白狼辛丑建盧古來貢三月巳卯東蒐

癸亥獵殺獬山乙丑獵松山唐義武軍節度使王都遣人以定
州來歸因以蠟書使來求援命奚禿里鐵刺往救之四月戊寅
東巡已卯祭庶鹿神丙申獵三山縱公私取羽毛革木之材及
取箭材赤山戊戌鐵刺敗唐將王晏球于定州唐兵大集還請
益師辛丑命惕隱涅里袞都統查刺赴之五月丙午建天膳堂
獵索刺山戊申還宮丁卯命林牙突呂不討烏古部捷之六月
已卯行瑟瑟禮七月壬子唐兵破定州鐵刺死之涅里袞查刺
等被執上悔出師非時乃厚賜戰歿將校之家庚午有事于太
祖廟八月庚辰詔建應太皇太后誕聖碑于儀坤州九月己卯
突呂不遣人獻烏古俘詔分賜羣臣己丑幸人皇王倍第庚寅
遣人使唐祭已有司請以上生日爲天授節十月甲子天授節
上御五鸞殿受羣臣及諸國使賀十一月辛丑自將代唐十二

月祭卯祭天地庚戌唐復遣使來聘上問左右皆曰唐數遣使來實畏威也且觀鸞而動米可輕舉上然之甲寅次杏樹唐使至命班師乙卯升東平郡爲南京以居人皇王四年正月壬申朔宴羣臣及諸國使觀俳優角觝戲二月庚戌閱遙羣氏戶籍三月甲午望祀羣神四月癸丑謁太祖行宮癸亥錄囚五月癸酉謁二儀殿宴羣臣女直來貢戊子射柳于行宮癸巳行瑟瑟禮六月己酉西巡祭亥駐蹕涼陘七月庚辰觀市曲赦繫囚八月辛丑還宮九月庚午如南京戊寅祠本葉山己卯行再生禮十月甲辰幸南京諸營閱六軍籍庚戌大閱十一月丙寅朔以出師告天地及太祖行宮甲申觀瀛三叉口五年二月己亥詔脩南京辛酉詔羣臣議軍國事三月己巳幸皇叔安端第辛未人皇王獻白紵又進玉筍乙亥冊皇弟李胡爲壽昌皇太

子兼天下兵馬大元帥壬午以龍化州節度使劉居言同中書
門下平章事四月乙未人皇王將歸國先赴祖陵謁太祖廟宴
餘屬于便殿丙辰駕會祖陵送人皇王歸置儀衛五月戊辰詔
脩裏渾離宮乙卯如汾柳湖丁巳拜太祖御容于明殿己未烏
古敵烈德來貢八月丁酉以大聖皇帝后宴寢之所號日月宮
因建日月碑丙午如九層臺九月己卯詔舍利普寧撫慰人皇
王十月癸卯建太祖聖功碑于如延正集會場十一月戊寅東
丹奏人皇王浮海適唐 六年正月甲子西南邊將以慕化韓
旻斯國人來三月丁亥人皇王妃蕭氏率其國僚屬來見四月
己酉置中臺省于南京五月乙丑調木葉山七月己酉命將校
以兵南略八月庚申皇子述律生九月甲午詔脩京城十二月
丙辰遣人以詔賜唐盧龍軍節度使趙德鈞是歲敵烈德鼻骨

德女直鐵驪俱來貢唐兩遣使來聘 七年正月壬辰征西將

軍課里遣拽刺鐸括奏軍事癸卯遣人使唐二月壬申拽刺廸

里使吳越還王遣使從獻寶器復遣持幣帛報之三月己丑命

繫林牙廸離畢指斥乘輿徐知其誣釋之四月甲戌唐遣使致

人皇王書五月壬午朔幸祖州謁陵六月戊辰御製太祖建國

碑七月癸未賜高年布帛壬辰唐遣使遣紅牙笙癸巳懼報定

州之役復遣使至八月壬戌捕鵝于汾柳湖風雨暴至溺死者

衆命存恤識以爲戒十一月丁亥遣使存問獲里國丁未阻卜

貢海東青鵝三十連十二月丁巳西符駐蹕平地松林 八年

二月乙卯尅寶魯使唐還以附獻物賜羣臣三月丙申唐遣使

請罷征党項兵上以戰捷及聽命報之四月戊午党項來貢五

月己丑獵獨牛山賜名曰驪山七月癸未皇子提離古生十月

已未遣拔刺使唐十一月辛丑太皇太后崩遣使告哀于唐是歲吐谷渾阻卜回鶻阿薩蘭烏古吐魯沒皆來貢九年正月戊午唐使來告主喪遣使弔祭二月戊寅附葬德陵謚曰宣簡太皇太后詔建碑于陵四月唐李從珂弑其主自立五月癸丑火星晝隕八月壬午自將南伐乙酉以拽刺解里手接飛鴈祭天地九月庚子西南星隕如雨乙卯次雲州丁巳拔河陰十月丁亥略地靈丘父老進牛酒犒師十一月辛丑圍武州之陽城壬寅降之癸卯注只城降括所俘丁壯籍于軍十二月駐蹕百湖之西南十年二月辛巳宰相涅里袞謀南奔事覺執之四月吐谷渾長退欲德率衆來附己丑錄囚五月癸丑以舍利王庭鸛爲龍化州節度使六月辛未幸品不里浞七月乙卯獵南赤山十二月庚辰如金瓶澤遣拽刺化哥宿魯里阿魯掃姑等

捉生敵境 十一年正月庚申如潢河四月庚申謁祖陵戊辰

還都謁太祖廟辛未燕民之復業者陳汴州事宜癸酉女直諸
部來貢癸未賜回鶻使衣有差五月戊戌清暑松柳湖七月壬
辰蒲割額公主率三河烏古來朝丙申唐河東節度使石敬瑭
遣趙瑩因西南路招討盧不姑來求救趙德鈞亦遣桑維翰來
告急許以師期八月庚午自將以援敬瑭九月癸巳有飛鷲自
墜而死上下之吉以爲從珂自滅之兆丁酉入鴈門戊戌次忻
州祀天地已亥次太原唐將高行周符彥卿引兵來拒伏兵以
待張敬遠楊光遠又陳于西未成列以兵薄之行周彥卿爲伏
兵所斷首尾不相救敬遠光遠大敗棄仗如山斬首數萬級庚
子走保晉安寨夸幽董的魯死之以子徒离骨嗣仍以父字爲
名以旌其忠壬寅敬瑭率官屬來上執手撫慰之切實南宰相

鶴鳴底矣監軍寅你已將軍陪阿臨陳退懦者罪之十月甲子
封敬瑭爲晉王幸其府敬瑭與妻公主率其親屬捧觴上壽發
兵圍晉安分遣精兵守其要害以絕援兵之路丁卯召敬瑭至
行在所賜坐從容語曰吾三千里舉兵而來一戰遂勝殆天意
也觀汝雄偉弘大宜受南土世爲藩輔命有司設壇晉城南備
禮冊命十一月丁酉立爲大晉皇帝自解衣冠幘之冊曰咨爾
子晉王予視爾爲子爾視余爲父世世子孫誓無相忘丙寅祀
天地以告成功壬申次潞州從諸將請遂班師晉帝辭歸執其
手曰大事已成吾命大相溫從爾渡河脫白貂裘以衣之遣以
良馬二十匹戰馬千二百匹仍命林牙廸離畢將五千騎送入
洛陽爲留以待辛巳晉帝至河陽命收瘞戰歿士卒于汾水上
築爲京觀桑維翰爲文紀上功德十二月乙酉朔遣近侍撻魯

存問晉帝丙戌以晉安所獲分賜將校及報諸道師還庚寅發太原辛卯聞晉帝入洛遣郎君解里德撫問壬辰次細河閼降將趙德鈞父子兵馬戊戌次鴈門以沙太保所部兵分隸諸將庚戌幸應州癸丑唐大同彰國振武三節度使迎見留之不遣十二年正月丙辰次堆子口唐大同軍節度判官吳繼城守遣崔延勲圍其城庚申駕至城下繼出降壬戌祀天地丁卯皇子建德迎謁于涇河丁丑告功太祖行宮二月壬寅詔諸部休養士卒癸卯晉遣唐所掠郎君刺哥文班吏蕭斛里還朝三月庚申晉遣使來貢丁卯晉天雄軍節度使范延廣遣人請內附不納己巳遣郎君的烈古梅里迭烈使晉四月甲申地震五月壬申震開皇殿六月甲申晉遣戶部尚書聶延祚等請上尊號及歸鴈門以北幽薊之地仍獻貢帛三十萬匹詔不許七月

甲子晉遣使來告范延廣及庚午遣耶律裏古皇使晉議軍事
八月庚寅晉及太原劉知遠南唐李昇各遣使來貢庚子晉遣
使以都汴及范延廣降來告九月庚申遣直里古使晉及南唐
癸亥术不姑女直來貢辛未遣使高麗鐵驪十月壬午詔回鶻
使胡离只阿刺保問其風俗丁亥諸國使還就遣蒲里骨皮室
胡朮里使其國十一月己未遣使求醫于晉十二月甲申東幸
祠木葉山己丑醫來

弘簡錄卷二百三

明刑部員外郎仁和弘齋邵經邦序

皇清翰林院侍講學士四世孫遠平校閱

載記 遼主二之下

會同元年正月戊申朔晉及諸國遣使來賀戊辰遣人使晉四月
己亥西南邊大詳穩耶律魯不古奏党項捷五月甲寅晉復
遣使請上尊號從之六月辛卯南唐來貢癸巳詔建日月四時
堂圖寫古帝王事于兩廡七月癸亥遣使賜晉馬丁卯遣鶻鹵
底使晉梅里丁古使南唐戊辰遣正使中臺省右相耶律述蘭
迭烈哥及臨海軍節度副使趙思溫問晉帝爲英武明義皇帝
九月庚戌晉遣左僕射劉煦右諫議大夫盧重上皇帝尊號曰
睿文神武法天啓運明德章信至道廣教昭孝嗣皇帝壬子

詔授羣臣及高年大臣爵秩賜以錦袍金帶白馬金飾鞍勒著
于令十月甲戌朔遣郎君廸里姑等撫問晉使壬寅晉遣使來
謝問禮并進獨峯駝名馬十一月甲辰朔命南北宰相及夸南
董就館賜晉使以下宴丙午上御開皇殿召見晉使賜物有差
甲子行再生柴冊禮丙寅御宣政殿大赦改元晉復遣趙瑩奉
表來賀并上幽薊瀛莫涿檀順媯儒新武雲應朔寰蔚十六州
圖籍詔以皇都爲上京府曰臨潢升幽州爲南京南京爲東京
改新州爲奉聖州武州爲歸化州升南北二院及乙寧夸南董
爲王以主簿爲令令爲刺史刺史爲節度使二部忒里已爲司
徒達刺干爲副使麻都丕爲縣令縣達刺干爲馬步置宜徽閣
門控鶴客省等使御史大夫中丞侍御判官文班牙署諸宮院
世燭馬羣遙韋世燭南北府國舅帳郎君官爲敝史諸部宰相

節度使帳爲司空二室韋闐林爲僕射鷹坊監治等局官長爲
詳穩十二月戊戌遣同括阿鉢等使晉加晉馮道太傅劉煦太
保餘官各有差二年正月乙巳以受晉冊遣使報南唐高麗
戊申晉遣金吾衛大將軍馬從斌考功郎中劉知新來貢珍幣
命分賜羣臣丙辰晉遣使謝免沿邊四州錢幣二月戊寅諸王
及節度使來賀冊禮各賜以宴仍命皇太子惕隱迎犖餞之癸
巳謁太祖廟賜在京吏民物及內外羣臣官賞有差丁酉加兼
侍中左金吾衛上將軍王鄱檢校太尉三月畋于裏渾之側丁
巳封皇子述律爲壽安王罷撒葛爲太平王巳巳大賚百姓四
月乙亥幸木葉山五月乙巳南唐遣使來貢戊申回鶻單于使
人乞授官詔第加刺史縣令六月丁丑駐蹕頻蹕淀雨雪閏七
月癸未乙室大王坐賦調不均以木劍背撻而釋之并罷南北

府民上供及宰相節度諸賦役非舊制者乙酉遣的烈賜晉與
烏古良馬已丑南王府二刺史貪蠶各杖一百繫其虞候帳備
射鬼箭選民所愛臣僚代之八月乙丑晉遣使貢歲幣奏輸戌
亥二歲金幣于燕京九月甲戌阻卜阿离底來貢十月丁未上
以烏古部水草肥美詔北南院徙三石烈戶居之十一月丁亥
鐵驪燉煌並遣使來貢十二月庚子釣魚于土河三年正月
戊子吳越王遣使來貢庚寅從回鶻使請許觀諸國使朝見禮
壬辰遣陪謁阿鉢使晉致生辰禮晉以并鎮析代之吐谷渾來
歸二月己亥奚王勞骨寧率六節度使朝貢庚子烏古遣使獻
伏鹿岡俘賜其部夸离董旗鼓以旌其功乙卯賜淥江女直遣
使來覲三月己巳如南京壬申次石嶺丙子魯不姑上党項俘
獲數公未獵于水門獲白鹿庚寅詔扈從擾民者從軍律甲午

幸薊州乙未晉及南唐各遣使來覲四月庚子至燕備法駕入
自拱辰門御元和殿行入閣禮丙午晉遣宜徽使楊端王岬等
來問起居并遣使進茶藥壬戌御昭慶殿宴南京羣臣癸亥晉
遣使賀端午以所進節物賜羣臣乙丑南唐進白龜五月庚午
宴羣臣及諸國使命回鶻燉煌二使作本俗舞俾諸使觀之庚
辰晉遣使進弓矢戊子開騎兵于南郊六月丙申四部卒于南
郊庚子晉及韓刺骨只遣使來見壬寅駕發燕京命中書令蕭
僧隱部諸道軍于長坐營癸亥次奉聖州甲寅勞軍士七月己
巳獵狝底烈山己卯以安重榮據鎮州叛晉詔征南將軍柳嚴
邊備辛卯晉遣使請行南郊禮許之八月辛亥鼻骨德使乞賜
出授以其國相丙辰詔以于諸里河臚胸河近地給賜南院歐
董突呂乙斯勃北院溫納何刺三石烈人爲農田九月庚午侍

親祠南嶽從之十一月己巳南唐遣使奉蠟丸書言晉密事丁丑詔有司教民播種紡績除娣亾妹續之法十二月壬辰朔率百僚謁太祖行宮甲午燔柴禮畢祠于神帳丙辰詔契丹人授漢官者從漢儀聽與漢人婚姻丁巳詔燕京皇城西南堞建涼殿是冬駐蹕于傘淀四年正月壬戌以乙室品卑突軌三部鰥寡不能自存官爲之配庚辰涅刺烏隗部獻黨項俘獲數己丑詔定征党項功二月丙申皇太子獲白鹿丁巳詔有司編始祖奇首可汗事迹己未晉遣楊彥詢來貢言鎮州安重榮跋扈狀留之不遣是月重榮執遼使者找刺三月特授回鶻使澗里

于越并旌旗弓劍衣馬餘賜有差癸酉晉遣使來謝許祀南郊
進黃金十鎰五月庚辰吐谷渾夸弼董蘇等叛入晉遣牒蠟往
諭晉及太原守臣六月辛卯振武軍節度副使趙崇逐其節度
使耶律盡里以朔州叛附晉丙午命宣徽使襲古只以兵赴朔
州圍其城七月癸亥南唐遣使奉蠟九書丙寅襲古只奏至朔
州守者堅壁弗納命卽以晉貢物賜攻城將校己巳有司奉神
輿車有蜂巢成窠史占之吉八月庚子晉遣使進犀弓竹矢吳
越王遣使奉蠟九書九月壬申有星孛于晉分丁丑幸歸化州
十月辛丑有司奏燕薊大熟十一月丙寅晉以討安重榮來告
庚午吐谷渾請降遣使撫諭十二月戊子晉遣使來告山南節
度使安從進反詔以便宜討之戊申晉敗安重榮仍來告遂遣
楊彥詢歸辛亥晉遣使乞罷戍兵詔楊隱叟古班師甲寅攻城

朔州遣控鶴指揮使諸里勞軍時蒙古只戰歿城下王怒命誅城中丁壯仍以叛民上戶三十爲裏古只部曲五年正月丙辰朔上御歸化州行殿受朝以諸道貢物進太后及賜宗室百僚戊午詔求直言命政事令僧隱等以契丹戶分屯南邊戊辰晉南安重榮首來獻上數欲親征乃止癸酉晉近朔州請使來賀遣客省使耶律化哥使之并致生辰禮上將南幸召太子及羣臣議今襄鎮朔三州雖已平然吐谷渾爲重榮所誘者猶未歸命宜發兵討之以警諸部二月壬辰詔以明王隈恩代于越信恩爲西南路招討使諭宜先練習邊事而後之官甲午如南京遣晉索吐谷渾叛者三月乙卯朔晉遣濟州防禦使宋暉業翰林茶酒使張言來問起居閏月駐蹕陽門六月丁巳徒覲古素撒來貢乙丑晉主敬瑭殂子重貴立戊辰使來告哀輟朝七

日庚午遣使弔祭并賀卽位庚寅晉遣金吾衛大將軍梁言及判四方館事朱崇節來謝書稱孫不稱臣遣客省使喬榮讓之景延廣答詞不順上始有南伐之意將軍閻德思蒲骨等率降將韓德至闕并遣所獲丁未晉遣使來告祖母喪遣使弔祭八月戊辰河東節度使劉知遠送叛臣烏古指揮使由燕京赴闕十月己巳徵諸道兵十一月己未武定軍奏松生聚十二月癸亥晉遣使來謝是冬駐蹕赤城六年二月乙卯晉遣使進遺物并請居汴從之三月丁未晉至汴遣使來謝五月己亥遣使如晉致生辰禮八月己未如奉聖州晉遣其子延煦來朝十一月辛卯上京留守耶律廸輦得晉諜知有二心十二月丁未如南京議伐晉命趙延壽趙延昭安端解里等由滄恒易定分道而進大軍繼之是歲楊彥昭請移鎮奈澌及新鎮從之梅里喘

引來歸奚鋤骨里部進白鹵莫州進白鵠晉兩遣使貢金 七年正月甲戌朔延壽延昭率前鋒五萬騎次任丘丙子安端入鴈門圍忻代已卯延壽圍貝州其軍校邵珂開南門納之守臣吳繼自死己丑次元城授延壽魏博等州節度使率所部屯南樂丙申遣兵攻黎陽晉張彥澤來拒辛丑晉遣使來脩舊好詔割河北諸州并遣桑維翰景延廣來議二月甲辰攻博州刺史周儒以城降晉平盧軍節度使楊光遠密道我師自馬家口濟河景延廣命石斌守麻家口白再榮守馬家口周儒引麻荅營于河東攻鄆州北津以應光遠晉遣李守貞皇甫遇梁漢璋薛懷讓將兵萬人緣河水陸俱進我軍圍晉別將于威城晉主自將救之遼師解去守貞等至馬家口麻荅方遣卒萬人築營壘騎兵萬人守於外餘兵屯河西渡未已晉兵薄之我軍不利三

月癸酉朔趙延壽等大破晉兵時晉軍沿河置柵皆畏却不敢
戰或言東面數少乃急擊其東偏衆皆奔潰其前軍高行周在
成城亟命延壽延昭以數萬騎出行周右上以精兵出其左戰
至暮上復以勁騎突其中軍晉不能戰縱兵追及遂大敗之壬
午留趙延昭守貝州徙所俘戶于內地四月癸丑還次南京辛
未如涼陞五月癸酉耶律拔里得奏破德州瀚刺史尹居藩及
將吏二十七人六月甲辰黑車子室韋來貢乙巳絳汲里要里
等國來貢七月己卯晉楊光遠遣人奉蠟丸書辛卯晉遣張暉
奉表乞和留不遣八月晉鎮州兵來襲飛狐大同軍節度使耶
律孔阿戰敗之九月庚午朔北幸十月壬戌天授節諸國進賀
惟晉不至十一月壬申詔徵諸道兵以閏月朔會溫榆河北十
二月癸卯南伐甲子次古北口閏月己巳朔閱諸道兵己卯圍

恒州下其九縣 八年正月庚子分兵攻邢洛磁三州殺掠殆

盡遂入鄴都境晉將張從恩馬全節安審琦悉陳兵相州安陽
水南皇甫遇慕容彥超將千騎來覘至鄴都遇我軍數萬且戰
且却至榆林店我軍繼至遇與彥超力戰百餘合遇馬斃步戰
審琦引騎兵踰水以救我軍乃還二月圍魏晉將杜重威率兵
來救戊子晉將折從阮陷滕州三月戊戌拔邢州殺其刺史沈
斌庚戌重威與守貞攻秦州戊午延壽率前鋒薄城二將引兵
南遁追至陽城大敗之癸亥圍晉兵于白團衛村是夕大風至
陷晉兵下鹿角爲營命鐵鶴軍奮短兵入擊順風縱火揚塵以
助其勢大呼都招討何不急進令士卒徒死諸將皆奮出戰張
彥澤藥元福皇甫遇繼至軍却數百步風益甚晝晦如夜符彥
卿以萬騎橫擊我軍步卒僉進遂不利上乘奚車退十餘里晉

追兵急獲一聚駝乘之乃歸四月甲申還次南京杖戰不力者
各數百庚寅宴將士於元和殿癸巳如涼陞六月丁亥延壽奏
晉兵襲高陽戍將擊走之七月乙卯獵平地松林晉遣孟守中
奉表請和仍荅以前事八月己巳詔侍衛蕭素撤閑驛收于北
陘九月壬寅次赤山宴從臣問軍國要務以愛民爲本上然之
辛酉還京十月辛未祠本業山十二月癸亥朔朝謁太極行宮
乙丑耶律孔阿獲晉諜者戊辰賜諸國貢使衣馬 九年二
月戊辰鼻骨德奏軍籍三月己亥吐谷渾遣軍校恤烈獻生口
千戶授以檢校司空四月辛酉朔如涼陘吐谷渾白可久來附
五月庚戌晉易州戍將孫方簡請內附六月戊子謁祖陵便闕
神殿名長思七月辛亥詔徵諸道兵故傷禾稼者以軍法論乙
卯以阻卜部長曷刺爲本部夸离董八月丙寅自將南伐九月

士辰閱諸道兵于漁陽西棗林浞趙延壽敗晉張彥澤于定州

十一月戊子朔進圍鎮州丙申候騎報晉兵至遣精兵斷河橋
晉兵退保武強南院大王廸鞏將軍高模翰分兵由瀛州間道
以進杜重威與張彥澤引兵據中渡橋遣其將梁漢璋率衆來
拒延壽以步卒前擊高彥溫騎兵乘之追奔逐北遂殺漢璋殲
屍數萬斬其將王清宋彥筠墮水死重威等退保中渡寨義武
軍節度使李殷以城降遂進兵夾泚沱而營去中渡寨三里分
兵圍之夜則列騎環守晝則出兵抄掠復命大內惕隱耶律朔
骨里及延壽分兵圍守上自將騎卒夜渡河出其後攻下樂城
降騎卒數千分遣將士據其要害下令軍中預備軍食三日不
得舉烟火諸饋運見者皆棄而走于是晉兵內外隔絕食盡勢
窮十二月丙寅重威守貞彥澤等率所部二十萬衆來降上臨

大阜立馬以受之授重威守太傅鄴都留守守以天平軍節度使餘各領舊職分降卒半付重威半以隸延壽命御史大夫解里監軍傅柱兒及彥澤持詔入汴諭晉帝并母以安其意且召桑維翰景延廣先來上自率大軍而南壬申解里等至汴晉帝重貴素服拜命與母李氏奉表請罪彥澤殺維翰上以嘗諫止絕和好詔收葬之復還田園第宅厚恤其家甲戌彥澤遷重貴及其母若妻於開封府署以控鶴指揮使李榮督兵衛之壬午次赤岡重貴舉族出封丘門桑索牽羊以待上不忍臨視命改館封禪寺晉百官縞衣紗帽俯伏待罪上命領職如故安叔干在邢州嘗密請內附授以金吾衛上將軍加鎮國節度使將軍康祥執景延廣來獻詔以牙籌數其八罪繫送都道自殺

大同元年正月丁亥朔備法駕入汴御崇元殿受百官賀戊子

以樞密副使劉敏禮知開封府辛卯降重貴榮祿大夫檢校太
尉封負義侯癸巳以張礪同平章事晉李崧爲樞密使劉煦守
太保馮道爲太傅和凝翰林學士趙瑩爲太子太保馮玉太子
少保癸卯遣瑩與玉及李彥韜將三百騎還負義侯并其母妻
弟子安置黃龍府二月丁巳朔建國號大遼大赦改元升鎮州
爲中京以延壽爲留守加大丞相兼政事命中外官遷將士爵
賞有差辛未河東節度使北平王劉知遠自立爲帝國號漢詔
除耿崇美於昭義軍高唐英昭德軍崔廷勳河陽軍皆爲節度
使令分據要地三月丙戌朔以蕭翰爲宣武軍節度使壬寅悉
遣晉諸司僚吏填御宦寺方技百工圖籍曆象石經銅人明堂
刻漏太常樂諸諸宮縣鹵簿法物及鎧仗于上京己酉磁州帥
梁暉以相州降漢命高唐英討之四月丙辰朔發自汴州以馮

道李崧和凝李瀚徐台符張礪等從行次赤岡夜有聲如雷起於御帳大星復隕於旗鼓前乙丑濟黎陽渡顧謂侍臣朕此行有三失一縱兵掠芻粟二括民私財三不遠遺諸飾慶邇鎮戊辰次高邑不豫丁丑崩于樂城年四十六九月壬子朔葬于鳳山陵曰懷陵廟號太宗統和二十六年七月上尊諡孝武皇帝重熙二十一年九月加諡孝武惠文皇帝

歐陽子云德光初名耀屈之素有智勇服其諸部事母甚律甚謹遇有國事侍立母側必告而後行母切愛之兄倍長子當立諸部希母意立之三年遣使以名馬聘唐并求碑石爲其父刻銘乃更阿保機名曰億明宗厚禮之遣飛勝指揮使安念德報聘明宗出師討定州王都遣禿里煎刺等引騎五千與唐將王晏球戰於曲陽而敗又遣名將惕隱赫遜益以

騎七千晏球又敗之于唐河赫連與數騎走至幽州爲趙德
鈞所執與禿里俱送京師明宗斬禿里等六百餘人而赦赫
連賜姓名曰狄懷惠前刺曰原知威部曲担列曰列知恩福
郎曰服懷造竭失記曰乙懷有還其壯健者五十餘人爲契
丹直當此時內地之威幾振德光乃西徙橫帳居挾刺泊出
寇雲朔之間明宗患之以石敬瑭鎮河東總大同彰國振武
威塞等軍禦之及起兵反轉遣使求救德光白其母曰吾嘗
夢石郎召我今傳言果至豈非天耶母召胡巫問吉凶巫言
吉乃許是年九月報北門車騎連亘數十里將至太原遣蕭
緒里往報朕與師遠來常卽與卿破敵敬瑭報曰皇帝赴難
要在成功不在遲今唐軍甚盛願少待之使者未至而兵已
交大致克捷敬瑭夜出北門見德光約爲父子問曰大兵遠

來戰速何以取勝德光曰吾謂唐兵能守鴈門以扼諸險要則事未可知今長驅深入一無所阻吾知大事必濟且吾兵多難久宜以神速破之此其所以勝也後楊光遠反招德光傾國而南分其衆爲三西出鴈門攻并代東至於河陷博州以應光遠屯于元城兵及黎陽出帝遣李守貞等東馳馬家渡還兵與晉相距于河臨陣整見晉軍旗幟光明士馬嚴整有懼色謂左右曰光遠言晉兵馬半已餓死何其盛也兵既交殺傷相半陣間斷箭遺鏃布厚寸餘日暮還兵引去分爲二一出滄州一出深州以歸明年正月圍鎮州分兵攻下鼓城等九縣重威閉壁不敢出還兵南掠邢洛磁至于安陽河千里之內焚剽殆盡見桑木必罵曰紫披襖出自汝身容汝活耶東諸將之時出帝病不能出征遣張從恩安審琦皇甫

趙等禦之趙前渡漳水戰於榆林趙兵引去而從恩畏怯不敢追亦引兵南走黎陽出帝疾少間下詔親征軍于瀘州趙重威等北伐趙歸至古北聞晉軍且至復引而南及重威戰于陽城衛村晉饑渴鑿井輒墮絞泥汁而飲德光坐奚軍中呼其衆曰晉軍盡在此矣可生擒之時天下旱蝗晉人苦兵乃遣開封府軍將張暉假供奉官聘趙奉表稱臣以脩和好會遼亦自戕兵其母述律勸以南朝漢兒爭得一向耶白古聞漢來和蕃不問將去和漢若漢兒實有回心則我亦何惜通好晉乃不復遣使遼將高牟翰詐以瀘州降晉君臣皆喜遣重威守貞等出兵以應及趙瀘州牟翰空城而去晉軍至城下見城門皆啓疑有伏兵不敢入遣梁漢璋追及牟翰戰而死重威等軍屯武驪遼主聞晉兵出乃入鎮州重威西

屯中渡與遼夾水而軍遼分兵金西山出晉軍後每震晉人刺其文曰奉敕不殺縱以南歸重威等被圍糧絕遂舉軍降遼主將至京師有司請以法駕奉迎辭曰吾躬擐甲冑以定中原太常之儀不假顧也止而不用是年正月丁亥朔旦晉文武百官班於都城北望出帝拜辭遼主被甲貂帽立馬于高岡百官俯伏自封丘門登城樓遣通事宜諭衆曰我亦人也可無懼我本無心至此天意欲我來爾遂入晉宮妃嬪迎謁皆不顧夕出宿于赤岡癸巳入居晉宮以遼兵守衛門廡殿庭皆磔犬掛皮以爲故勝甲午常服視朝于廣政殿乙未被朝衣朝冠百官常參起居如晉儀也裴左衽駱馬奚車羅列階陛晉人俛首不敢仰視二月丁巳朔金吾六軍殿中省仗太常樂舞陳于庭遼主冠通天冠服絳紗袍執大珪以

視朝三月丙戌朔復御崇元殿百官入閣視之大悅顧左右

曰天家儀物其盛如此我得於此殛坐豈非真天子邪遂律

遣人齎書及遼祖明毀書以賜

明毀若中土陵寢之制其國君死葬於其墓網起殿置官

每國有大慶平學士以先君之命爲書以賜書曰報兒皇帝

遼已滅晉遣其部族強豪及通事爲諸州鎮刺史節度括借

天下錢帛以賞軍凡人馬不給糧草日遣數千騎分出劫掠

號爲打草穀東西二千里之間民被其毒遠近怨嗟劉知

遠起太原所在州鎮多殺遼守將歸漢遼主大懼乃留蕭翰

守汴北歸至湯陰登愁思岡語高勲曰我在上國以打圍食

肉爲樂自入此地心常不快若得復吾本土死亦無恨勲退

謂人曰彼將死矣竟斃于殺狐林從其本俗破腹去腸實

以鹽相載而去晉人謂之帝堯欲使後世有所考實故併列

之

載記 遼主之三

世宗皇帝諱阮小字兀欲太祖嫡孫父倍母妃蕭氏生而儀觀
豐偉工書善畫能飲酒孝友寬慈有君人之度兼善騎射樂施
予好禮士大夫太宗嘗賜以絹數千匹一日散盡以是人望歸
之當東月奔唐兀欲不從會同九年從伐晉大同元年二月封
承原王殺秦繼旻李彥紳籍其家遷以賜之太宗既崩四月戊
寅梓宮次鎮陽帝卽位于柩前甲申次定州命天德朔古解里
等護梓宮先赴上京六月甲寅朔次南京七月次廣河八月壬
午朔尊母爲皇太后以太后族刺只撒古魯爲國舅帳立詳穩
以總焉分賜崇德官戶千翼戴功臣及北院大王汪南院大王
吼各五十安搏楚補各百的魯鐵刺子孫先以非罪籍沒歸之

癸未始置北院樞密使以安撫爲之九月丁卯行柴册禮羣臣
上尊號曰天授皇帝大赦改大同元年爲天祿元年追諡皇考
曰讓國皇帝以安端主東丹國封察割爲泰寧王劉哥爲惕隱
高勳爲南院樞密使二年正月天祿蕭翰劉哥益都等謀反
詔誅天德杖蕭翰遷劉哥於邊罰益都使轄戛斯國是月漢主
璽子承祐立四月庚辰朔南唐遣李嗣王祚來慰且賀兼奉蠟
九書議攻漠七月壬申皇子賢生十月壬午趙延壽卒以中臺
省右相犀螭爲南京留守封燕王十一月駐蹕彰武南三年
正月蕭翰及公主阿不里復謀反翰伏誅阿不里處死獄中庚
申肆赦內外官各進一階六月戊寅以敝史耶律胡離軫爲北
院大王己卯惕隱顏昱封漆水郡王九月辛丑朔召羣臣議南
伐十月遣諸將率兵攻下貝州高老鎮徇地鄴都南宮堂陽殺

深州刺史史萬山俘獲甚衆 四年二月建政事省辛未秦寧
王察割來朝留侍三月戊戌朔南唐遣趙延嗣張福等來賀南
征之捷九月乙丑朔如山西十月自將南伐攻下安平內丘東
鹿等城大獲而還是歲冊皇后蕭氏 五年正月癸亥朔如百
泉湖漢郭威弑其主自立國號周遣朱憲來告卽遣使致良馬
漢劉崇自立於太原二月周遣姚漢英華昭亂來以替辭抗禮
留之五月壬戌朔詔州縣錄事叅軍主簿委政事省銓注六月
辛卯朔劉崇爲周所攻遣使稱姪乞援且求封冊遣燕王牒謁
樞密使高勳冊爲大漢神武皇帝南唐遣蔣洪來乞舉兵應援
是夏清暑百泉嶺七月辛芙蓉谷留飲三日九月庚申朔自將
南伐壬戌次歸化州癸亥察割弑帝于行宮年三十四應曆元
年葬於顯州西山陵曰顯陵二年諡曰孝和皇帝廟號世宗統

和二十六年七月加諡孝和壯憲皇帝

歐陽子曰當太宗崩兀欲與趙延壽及諸大將俱入鎮州延壽自稱權知軍國事遣人求鎮州管鑰不與左右曰契丹大人聚謀詢詢必有變宜備之可率勁兵萬人以擊之不然事必不成延壽猶豫未決兀欲置酒召延壽及張礪李崧馮道等飲及數行兀欲妻延壽呼爲妹語延壽曰妹自上國來當一見之延壽欣然與俱入食頃兀欲出坐笑謂礪等曰燕王謀反已鎖之矣諸君可無慮也先帝昔在汴州與我筭子一莖許我知南朝軍國事昨間寢疾無遺命燕王安得自擅耶礪等罷去兀欲召延壽廷立而詰之延壽不能對乃遣人監之而籍其家貲始宜遣制曰永康王大聖皇帝之嫡孫人皇王之長子可于中京卽皇帝位遣使告哀諸鎮其祖母述

律怒曰我兒平晉取天下有大功業其子在我側者當立矧人皇王背違歸唐其子豈得立耶乃率兵逆世宗將廢之立後常率萬騎攻邢州陷內丘凡入常以馬嘶爲候後見馬不甚嘶矛戟至夜有光又值月蝕且人馬傷死太半其下皆懼以爲凶兆會又集諸部部長謀入衆不欲詔彊之遂遇弑齊王述律聞亂走南山大臣迎立之述律有疾不能近婦人左右給事中多以宦者舐飲自夜至旦晝則常睡國人謂之睡王不恤國事聞周世宗下三關語其國人曰此本他人地今以還人又何惜焉

載記 遼主之四

穆宗皇帝諱璟小字述律太宗長子母靖安皇后蕭氏初封壽安王天祿五年九月丁卯卽皇帝位誅逆臣察割等羣臣上尊

號曰天順皇帝改是年爲應曆元年戊辰如南京遣劉承訓告
哀于漢十一月漢周南唐各遣使來弔乙亥詔朝會依嗣聖皇
帝故事用漢禮十二月甲辰漢遣使獻弓矢鞍馬王子鐵驪鼻
骨德皆來貢二年正月戊午朔南唐遣使奉蠟丸書及進犀
兕甲萬屬壬戌太尉忽古質謀逆伏誅三月丁卯南唐復遣使
來貢甲申以耶律撻烈爲南院大主四月己亥鐵驪進鷹鶻五
月丙辰朔視朝六月壬辰政事令蕭眉古得宜政殿學士李潛
等謀南奔事覺眉古得伏誅杖斡釋之乙未祭天地王寅漢爲
周所侵遣使求援命中臺省右相高模翰赴之丁未乳媼兄曷
魯世爲阿速石烈夸离董七月乙亥政事令婁國林牙敵烈侍
中神都郎君海里等謀亂就戮九月甲寅朔雲州進嘉禾四莖
二穗戊午詔以平察割日用白黑羊玄酒祭天壤以爲常庚辰

敵烈部來貢十月甲申朔漢遣使進葡萄酒十一月癸丑朔視

朝已巳地震已卯日南至用舊制行拜日禮十二月癸未朔模

訥及漢兵圍晉州辛卯生日飯僧釋囚

歲以爲常

三年閏正月壬

午朔漢遣使來謝却周軍二月甲子太保敵烈脩易州城鎮州

兵來挑戰却之三月庚申朔南唐遣使來貢因附書于漢詔遣

之庚寅如應州擊鞠丁酉漢遣使進毬衣及馬庚子觀漁于神

德湖六月丁卯應天皇太后崩八月己未漢遣使來貢十一月

辛丑漢使來會冬駐蹕奉聖州南京水詔免租四年正月己

丑周主威祖養子晉王柴榮嗣立二月丙午朔周攻漢來告命

政事令耶律敵祿援之丙辰幸南京五月乙亥忻代二州叛漢

遣南院大王撻烈助敵祿討之丁酉撻烈敗周將符彥卿於忻

口獻所獲十一月彰國軍節度使蕭敵烈太保許從贊奏忻代

二州捷十二月辛酉朔謁祖陵駐蹕杏嶺五年二月庚申漢
遣使請上尊號不許壬戌如襄潭十一月乙未朔漢主崇祖子
承鈞來告且求嗣立遣使弔祭起封冊之十二月乙丑朔謁太
祖太宗廟六年五月丁酉謁懷陵六月甲子漢遣使來議軍
事七月不視朝南唐遣使奉蠟丸書七年四月辛巳合延年
藥多用男子膽殺人累年覺其妄射殺女巫肖古是秋不聽政
獵七鷹山十二月丁巳詔大臣朕或濫刑卿等切諫八年四
月甲寅南京留守蕭思溫攻下沿邊州縣遣人勞之五月周陷
東城縣六月辛未思溫請益兵乞駕幸燕七月獵拽刺諸山迄
于九月不視朝十一月辛酉漢使來告周侵乙丑使再至十二
月庚辰又至九年四月丙戌周來侵拔益津瓦橋淤口三關
命蕭思溫爲兵馬都總管以擊之五月乙巳朔陷瀛莫二州癸

亥如南京辛未周兵退六月乙亥朔視朝戊寅復客城縣庚申
西幸如懷州是月周主榮殂子宗訓立七月發南京軍戊范陽
十二月戊寅還上京丙申召羣臣議時政 十年正月周毀前
都點檢趙匡胤廢主自立國號宋五月壬子漢以潞州歸附來
告六月庚申宋兵圍石州漢使來告遣大同軍節度使阿剌率
四部往援思溫以三部兵助之七月己亥朔宋兵陷石州辛酉
政事令耶律壽遠太保楚阿不等謀反伏誅八月庚午以鎮酋
石炭兒擊殺近侍古哥十一月海思獄中上書陳便宜 十一
年二月辛亥司徒烏里只子迭剌哥誣告其父謀反杖而釋之
丙辰蕭思溫奏老人星見乞行赦宥四月癸巳朔以射鹿不視
朝五月乙亥司天王白李正等進曆六月甲午赦 十二年正
月甲戌夜觀燈二月己丑朔以御史大夫蕭護思爲北院樞密

使五月庚午旱命左右以水相沃俄頃雨六月甲午祠木葉山
及潢河秋如黑山赤山射鹿 十三年正月晝夜酣飲者九日
丙寅宋將城益津關命南京留守高勲統軍使崔延勲以兵擾
之二月庚寅漢遣使來告欲巡邊微乞張聲援乙巳老人星見
五月壬戌幹朗改國所進花鹿生麝六月癸未杖殺近侍傷獐
者壬辰詔諸路錄囚七月辛亥朔漢告宋來侵八月甲申生日
縱五坊鷹犬戊戌幸近山呼鹿射之旬有七日而後返九月庚
戌朔祭天地飲于野次終夕乃罷辛亥復終夜酣飲十一月庚
午獵飲于虞人家凡四日十二月戊子射野鹿賜虞人物有
差是歲殺獸人海里疏人曷主獐人露馬鹿人彌里吉泉其首
以示掌鹿者 十四年正月戊寅朔奉安神壽戊戌漢告宋將
來襲二月壬子詔西南面招討使撻烈進兵援漢癸亥如潢河

交解鹿人沒谷游里等七人于野封土識其地已巳如老林東
溧壬申敗宋兵于石州漢遣使來謝四月黃龍府甘露降五月
射猼猁鹿于白鷹山至于浹旬六月丙午朔獵于玉山竟月忘
返八月乙巳如磴子嶺呼鹿射獲其四賜虞人女璫等物有差
戊申生日值天赦不受賀曲赦京師因乙卯錄因九月黃室韋
叛十月丙午近侍烏古者進石錯賜白金丙辰以掌鹿矧思代
幹里爲閫撒彼賜金帶金盞白金所謀死罪以下得專之十一
月壬午口南至宴飲達旦自是晝寢夜飲殺近侍小六於禁中
十二月丙午烏古叛詳穩僧隱與戰敗績及乙亥等死之十
五年正月老人星見巳卯命樞密使雅理斯爲行軍都統虎軍
詳穩楚思爲都監益以突呂不諸部兵以討烏古殺其長率離
底餘衆降復叛獨奪离董子勃勒底不叛詔褒之二月壬寅朔

上東幸甲寅獲鴨除鷹坊刺面腰斬之刑復其徭役三月癸酉
近侍東兄進七筋不時手刃刺之丁丑大小黃室韋酋長寅尼
吉等叛遣雅里斯楚思等擊之癸未五坊人四十戶叛入烏古
癸巳虞人沙刺迭偵鵝失期加炮烙鐵梳刑而死四月乙巳雅
里斯等爲室韋所敗遣使詰問代以禿里爲都統女古爲監軍
辛酉騎進討仍令撻馬尋吉里持詔招諭不從乙卯雅里斯率
撻馬蘇二羣牧兵追至柴河戰不利五月甲申寅尼吉等亡入
敵烈六月敵烈來降辛亥俞魯古獻良馬賜銀二千兩近侍忽
刺北馬至先以聞賜銀千兩七月甲戌烏古至河德濼遂掠上
京北榆林峪居民遣夸离董盡里夸离畢常思林牙蕭翰討之
十月丁未常思戰敗烏古十二月甲辰近侍喜哥私歸殺其妻
又殺近侍隨魯十六年正月丁卯朔被酒不受賀甲申微行

市中賜酒家銀絹乙酉殺近侍白海及家僕衫福押刺葛樞密
使門吏老古捷馬失魯三月己巳東幸連旬獲鴨背飲達旦五
月甲申歲旱泛舟麟雨不應捨舟立水中俄頃乃雨六月丙申
賜白海等家銀絹七月壬午諭有司凡行幸之所必高立標識
令民勿犯違以死論八月丁酉漢遣使貢金器鎧甲閏月乙丑
觀野鹿入馴鹿羣立馬飲至脯九月庚子重九宴飲夜以繼日
至壬子乃罷己未殺狼人裏里十月庚辰遣使賜吊漢王母喪
十二月甲子幸酒人拔刺哥家復幸殿前都點檢耶律夸鵬葛
弟宴飲連日賜金盃細綿孕馬百疋左右皆授官戊辰漢遣使
來貢十七年正月庚寅朔林牙蕭幹朗君耶律賢適討烏古
還帝執其手賜卮酒授賢適右皮室詳穆賜雅里斯楚思霞里
三人醕酒以辱之乙卯夸葛畢骨欲獻烏古俘四月丙子射柳

雨復以水沃羣臣八月辛酉生日以政事令阿不底病亟不
受賀九月丙戌朔獵黑與赤山至于月終十一月辛卯殺近侍
延壽庚子司天臺奏月當食不虧上以爲祥歡飲達旦是歲殺
盛人敵魯鹿人禮葛唐果直哥撒刺等四十四人支解雉人壽
哥念魯又殺酒人粹你家人阿不里等手殺喪人海里倫之
十八年正月乙酉朔宴宮中不受賀己亥觀燈于市縱飲三夕
二月乙卯幸五坊使霞實里家宴飲達旦三月甲申朔如潢河
乙酉獲駕鵝祭天地庚戌殺近侍化葛及監囚海里劉其尸四
月己巳詔左右從班有財器幹局者不次擢用老耄者增俸休
之于家五月丁亥重五被酒不受賀壬辰獲鵝于述古水野飲
終夜丁酉連晝夜與政事令蕭排押留守高勳太師昭古劉承
訓等酣飲六月己未爲殿前都點檢夸鵬葛置神帳曲赦京畿

因甲戌撻烈於鴈窠中得牝犬來進七月辛丑漢主承鈞殂子繼元立遣使弔祭九月戊子殺詳穩八剌拽刺痕篤等四人己丑登小山祭天地戊戌聞宋襲河東諭西南面都統撻烈豫備之己亥獵熊以喚鹿人鋪姑并拔庭戶賜夸臘葛甲辰命仍兼政事令以女瑛爲近侍女直詳穩娶陌爲本部夸夷董十月辛亥朔宋圍太原詔撻烈爲兵馬總管發諸道兵救之十一月癸卯冬至被酒不受賀是歲殺鵠人胡時魯羗人抄里只并屯奴鹿人頗德鵬哥陶瑰札不哥等及酒人搭烈葛十九年正月己卯朔宴宮中不受賀己丑立春被酒命夸臘葛代行擊土牛禮自此至月終不聽政甲午與羣臣爲葉格戲戊戌醉中驟加左右官二月戊辰世宗子賢成人入見上諭可付以政三月辛酉遣韓知範冊漢主劉繼元爲皇帝癸亥殺前導末及益刺劉

其尸甲子漢遣使進白鹿已巳如懷州獵獲熊與夸离畢牙里
斯等歡飲方醉馳還行宮是夜近侍小哥鹽人花哥庖人辛古
等六人弑帝年三十九廟號穆宗附葬懷陵重熙二十一年諡
曰孝安敬正皇帝

載記 遼主之五

景宗皇帝諱賢字賢寧小字明辰世宗第二子母懷節皇后蕭
氏甫四歲遇察割亂穆宗養之永興宮既長與韓匡嗣女里游
見穆宗酣酒怠政因與譏刺時事耶律賢適亟勸止之帝悟遂
不復言已遇弑夜率甲騎千人與飛龍使女里侍中蕭思溫樞
密使高勲馳赴難所黎明至慟哭羣臣勸進卽位柩前百官上
尊號曰天贊皇帝大赦改應曆十九年爲保寧元年罪殿前都
點檢夸臘葛右皮室詳穩蕭烏里只宿衛不嚴斬之三月丙戌

入上京四月戊申朔進封薨撒葛齊王喜隱宋王隆先平王稍
吳王道隱蜀王必攝越王敵烈翼王宛衛王五月戊寅朔立妃
蕭氏爲皇后壬午射柳祈雨從有司請立生日爲天清節壬寅
漢遣李匡弼劉繼文李元素等來賀十月東幸褒澤十一月甲
辰朔行柴冊禮祠木葉山駐蹕鴝谷 二年正月丁未如潢河
四月幸東京祭讓國皇帝及世宗廟五月癸丑西幸乙卯次盤
道嶺七月國舅蕭海只及海里殺蕭思溫以右皮室詳穩賢適
爲北院樞密使九月辛丑海只等伏誅流其幼神棍于黃龍府
十二月庚午漢遣使來貢 三年正月庚申置登聞鼓院辛酉
南京統軍使魏國公韓匡美封鄴王二月癸酉東幸壬午遣鉅
趙使阿薩蘭回鶻已丑祭天地四月丁卯世宗妃啜里及蒲哥
厭魅賜死已卯祠木葉山行再生禮戊子蕭神棍伏誅六月丙

子漢遣使問起居自是繼月而至八月甲戌如秋山

自後為常

九月

乙巳賜傅父侍中達里迭大保楚補并婆兒保母回室押雅等戶口牛羊有差又以潛邸給使者為捷馬都置官主之壬子幸歸化州甲寅如南京十月己巳以黑白羊祀神癸未漢遣使來貢十一月庚子臚胸河于越延尼里等率戶四百五十來附乞隸宮籍優賜遣之詔留其戶分隸敦睦積慶永興三宮十二月駐蹕金川癸酉祭天地己丑皇子隆緒生四年二月癸亥漢遣使來賀皇子四月庚寅朔駐蹕木井七月如雲州十月丁亥朔如南京十二月甲午詔內外官上封事五年正月甲子惕隱休哥伐党項破之上其俘獲之數庚午御五鳳樓觀燈二月丁亥近侍實魯里誤觸神纛論死杖釋之戊申祭天地辛亥幸新城四月丙申白氣晝見五月辛未女直侵邊殺都監達里迭

拽刺幹里魯驅掠邊民牛馬七月駐蹕燕子城庚辰以保大軍
節度使耶律斜里底爲中臺省左相十月丁酉如南京十一月
辛亥朔始獲逆黨小哥花哥辛古等誅之十二月如歸化州戊
戌漢將收元遺使察命六年正月癸未幸南京三月宋遣使
請和加涿州刺史耶律昌木侍中遣與宋議七月丁未朔加告
喜隱得實閣門使酌古檢校太尉兼御史大夫男海里遙授隴
州防禦使十二月戊子以沙門昭敏爲三京諸道僧尼都總管
加兼侍中七年正月甲戌朔宋遣使來賀賀正旦如此以壬
後爲常不者寅望祠木葉山二月癸亥漢鴈門節度使劉繼文來朝貢方物
丙寅祭天地三月壬午耶律刺撒等獻党項俘分賜羣臣四月
遣郎君矧思使宋辛亥射柳祈雨五月丙戌祭神姑七月黃龍
府衛將燕頗殺都監張瑄以叛遣敝史耶律曷里必討之九月

敗燕頗於治河遣其弟安搏追之燕頗走保兀惹城安搏乃還以餘黨千餘戶城通州 八年二月壬寅諭史館學士書皇后

言亦稱朕暨予著爲定式三月辛未遣五使廉問四方鰥寡孤

獨及貧乏失職者振之七月辛未宋遣使來賀天清節

賀生辰始此以

後爲常 漢使來言設無遮會飯僧祝釐八月女直侵貴德州東

境九月己巳謁懷陵辛未女直襲歸州五寨剽掠而去壬午漢

爲宋侵遣使來援命南府宰相耶律沙與王敵烈赴之戊子宋

師壓漠境宋遣駙馬盧俊來告十月辛丑宋軍退遣使來謝十

月丙子宋遣使來告太祖皇帝勅太宗自立辛卯遣郎君王六

撻馬涅木古等使宋弔慰十二月壬寅遣蕭只古馬哲賀宋主

卽位

即賀位始此

丁未漢告宋軍復至掠其軍儲且乞糧詔助以粟

二十萬斛戊午詔南京復禮部貢院 九年二月庚子宋遣使

致其先帝遺物甲寅祭天地三月癸亥耶律沙及敵烈獻援漢
所獲宋俘五月庚午漢遣使來謝已丑女直來請宰相夸夷董
之職以次授之七月丙子助漢戰馬八月漢遣使進葡萄酒十
一月丁亥朔司天奏日當食不虧戊戌索吐谷渾叛入太原四
百餘戶還之癸卯祠木葉山乙巳遣太保送烈割等使宋報其
來聘十二月戊辰獵于近郊以所獲祭天 十年三月庚寅祭
顯陵四月丁卯西幸七月庚戌享太祖廟

乾亨元年正月乙酉遣撻馬長壽使宋問興師伐劉繼元之故
還言河東逆命所當問罪若北朝不援和約如舊援以戰請二
月丁卯宋兵歷漢境遣使乞援仍命都統沙監軍敵烈赴之斜
軫以所部從抹只督其戰三月辛巳速撒遣人納別部化哥等
降丙戌漢遣使謝撫諭軍民詔北院大王奚底乙室王撒合等

以兵戍燕巳丑漢復告宋主親征遣左千牛衛大將軍韓侂大
同軍節度使耶律善補引本路兵援之丁酉沙等與宋戰于白
馬嶺不利敵烈及突呂不部節度使都敏黃皮室詳穩唐答皆
北之四月辛亥漢以行軍事宜來奏盧俊自代州馳狀告急五
月巳卯宋敗漢兵劉繼文盧俊來奔六月河東降宋漢亡甲子
封繼文彭城郡王俊同政事門下平章事丁卯宋乘勝來侵奚
底及蕭討古撒合與戰于沙河失利巳巳遂圍南京丁丑詔諭
沙及奚底討古等軍中事宜七月癸未沙等及宋兵戰于高梁
河沙却休哥斜軫橫擊大敗之宋主至涿州乘驢車去甲申擊
宋餘軍獲兵仗器甲符印糧餉貨幣不可勝計權留守韓德讓
馬步軍都指揮使耶律學古知三司事劉弘在南京能安人心
捍城地下詔獎之八月乙丑沙等獻所俘獲丙寅責以白馬之

役後有走宋主功與抹只皆釋之。癸底遇敵退却，擊以劒背微合，雖郤部伍不亂，獲宥敵烈麾下先遁者，斬之都監以下皆杖。壬申宴沙抹只等將校，賜物有差。九月己卯，報宋圍城之役命韓匡嗣爲都統，沙爲監軍，休哥斜軫抹只等各率所部兵及善補分道以進。十月乙丑，匡嗣與宋兵戰於滿城，敗績降。封察王辛未，太保矧思敗宋兵於火山。十一月戊寅，宴賞休哥及有功將校。乙未，樞密使郭襲上書諫，畋獵上嘉納之。辛丑冬至，大赦。改元。二年正月丙子朔，封皇子隆緒梁王，隆慶恆王。二月戊辰如清河。三月丁亥，西南而招討，副使耶律王六太尉化哥遣人獻党項俘閏月庚午有賜，殘止御帳，獲以祭天。四月庚辰祈雨。戊子清暑，燕于城。五月雷火乾陵松。八月戊戌，東幸。十月辛未朔，命巫者祠天地及兵神。辛巳將南伐，祭旗鼓。癸未次南京。

丁亥獲敵人射鬼箭庚寅次固安祭天地已亥圍瓦橋關十一月庚子朔宋兵夜襲營突呂不部節度使蕭幹及四捷軍詳穆耶律振德戰却之壬寅休哥敗宋兵於瓦橋東守將張師出戰復奮擊敗之戊申宋兵陣於水南休哥涉水追至莫州殺傷甚衆已酉宋兵復來擊之殆盡丙辰班師乙丑還次南京十二月庚午朔拜休哥于越大饗軍士三年二月丙子東幸已丑復幸南京三月乙卯皇子韓八辛五月丙午上京漢軍亂劫立喜隱子留禮壽留守除室擒之七月甲子伏誅十月如蒲瑰坡十一月辛亥加除室同政事門下平章事四年正月己亥如華林天柱三月乙未清河與諸王大臣較射飲宴四月自將南伐至滿城戰不利守太尉奚瓦里中流矢死五月班師消暑燕子城八月如西京九月庚子幸雲州甲辰獵于詳古山帝不豫壬

子次焦山帝崩年三十五在位十四年統和元年正月壬戌上
尊諡孝成皇帝廟號景宗重熙加諡孝成康靖皇帝 舊史贊
曰遼興六十餘載神冊會同之間日不服給天祿應曆之君不
令其終保寧而來人人望治以景宗之資任人不疑信賞必罰
若可與有爲也乃竭其國力以助河東破軍殺將無救滅亡雖
一取勝於宋得不償失知匡嗣之罪而不罰善郭襲之諫而不
用沙門昭敏以左道亂德寵以侍中不亦惑乎